

百一山房詩集

百一山房詩集卷五目錄

錢王祠三首

西湖四時花游曲

折柳詞送蒼林歸海昌

鳳凰山至南宋女校場

尋南山諸勝過風篁嶺憩慧公禪房

過北郭妙行寺

昭慶寺觀石刻心經弔王昭平先生

靈隱寺借秋閣觀所藏貝葉經

韜光

宿松靄山房

山行憩永福寺

與慧上人話雨冷泉亭上雨止登飛來峯頂看月出

玉兔冢相傳黃貞父先生瘞兔於此文人游戲所
爲志乘入之以佐談資耳慧上人爲余指示其處
意有所觸輒成長句

湖樓夜坐

淨慈寺齋僧鍋

偕慧上人登歡喜巖

萬峯山房坐雨示讓山

西林先生衝雨入山命酒更酌口占再示上人

湖南晚步

題月泉吟社詩後

書萬峯山房壁

望祭殿

閒適次慧上人韻卽送之浙東

訪黃貞父寓林二首

奔雲石

海潮石

尋李長蘅寓居

自淨慈放船至茅家埠

朗汀琴宇自苕溪歸訪余湖上

將赴禮闈與蒼林別

鴛湖阻風

雪夜渡太湖

山塘

五人墓

短簿祠

書感

京口

蕪城

淮安懷古

淮陰釣臺

公無渡河

并序

下相懷古

登岱效柏梁體

泰安旅次寄仲兄吳中

梁甫吟

趙北口

易水行

寓感

夏課

積水潭看荷花偕同年

詠冰

送座主少宗伯介公扈

蹕灤河二首

陶然亭秋楔分得壺字

法源寺雨夜

新年雜詠

門神

爆竹

團圓

歡樂

法源寺看花口占

百一山房詩集卷五目錄

百一山房詩集卷五

仁和 孫士毅 補山

錢王祠三首

節鎮紛紛戰陣秋
百年黨錮怨清流
坐中容得羅昭諫
已抵東南十四州

淮西碑版字如霜
接迹峨眉更擅場
千古韓蘇爭手筆
不知世有段文昌

五季衰殘保障才
江湖牛斗句能該
歐陽史筆僖公誌
不及當時制誥來

西湖四時花游曲

游絲裊空不成雨垂楊小於十三女十三女兒知春愁
蕩得湖波綠如許貼波乳燕飛迴塘萍花初開蘋葉香
傾鬟鞞袖不歸去笑指垂楊如我長

裏湖外湖花氣涼花花葉葉原相當游魚東西如識字
却從四角周中央白團扇子遮嬌靨扇底多將方勝疊
回頭悄問比肩人願郎如花妾如葉

長橋短橋水嗚咽露柳風蒲那堪別西風慰體似荀郎
纔解羅襦不知熱舊時歌舞白銅鞮人在西冷西復西
畫徧闌干兩行字水仙祠外玉繩低

畫橋四面琉璃鋪城西雪片如飛鳬明湖一灣作三九

瓊花萬朶消寒圖撥灰刻燭深深語暖玉銷金相爾汝
五紋繡綫是儂心日向郎懷添幾許

折柳詞送詹林歸海昌

永和隄外峭帆忙黃鶴山前話夕陽只管人間離別事
最無聊賴是垂楊

鳳凰山至南宋女校場

小朝廷已成和議君王尚愛魚龍戲一夜錢塘戰鼓聲
刀光十隊紅霞帔紅羊小劫五百載舊事誰將四朝記
江水徒流南渡悲殘碑閒榻西天寺鳳皇山頂平於掌
故老傳聞紹興季阿監平明喚合圍軍符多刻鴛鴦字

就中隊長知誰是結束纖腰工擊刺兩行宮扇陣雲開
頌酒裔孫輦前侍中宮當日吳皇后教戰難忘襲讎事
皂紗尺五裏頭行慚媿君王中興志黃羅棋局空佳識
牛角山河亦何爲中興多付太平翁更遣蕭郎誌符瑞
古來諫獵有賢嬪此事何堪屬釵珥自是官家要縱觀
肯將十二金牌使竭來按壘斜陽外野燒秋空竄山魅
太息劉家國色名立馬吳山思掉臂噫吁噓黃天蕩裡
韓夫人戰鼓如雷動天地

尋南山諸勝過風篁嶺憩慧公禪房

山深欲無路拒客頗高抗客苟能獨來白雲亦相讓古

來學道人所得在幽訪一躡蒼苔梯已出萬綠上石屋
嵌高寒曼陀開寶藏迤西水樂鳴人天發高唱即是證
聲聞觀空亦綺障棲霞更絕奇闢戶近古壙鐫刻千官
名畫肚辨未當云是錢與吳漣留所草牾名心苟不死
肝肺鏤青嶂至竟歐史遺攷核何足尚乞漿叩慧公龍
泓碧於釀風篠夢寒林傾聽洗色相笑問雪眉翁安坐
得無恙

過北郭妙行寺

北郭尋蘭若閒房卧冷楓船歸河渚月人散寺門鐘細
火分煨芋殘僧話斷蓬馬塍啼損後猶剩賣花翁

昭慶寺觀石刻心經弔王昭平先生

花宮一夜銅仙淚貝葉能將年月記紅羊小劫閱三朝
眼中碧血佉盧字茄花委鬼何爲者羣盜中原屋殷社
殉君心是菩提心心經百番王司馬褚虞楷法氣深穩
三藐多羅識者寡中朝黨錮燎飛蛾少年沈醉金叵羅
干戈滿地唐天寶裙屐風流晉永和當時遺事聞猶熟
天壤王郎能顧曲自寫西江主客圖爭鈔南部烟花錄
大羅瓊榜名無雙參軍打鵲何清狂最好衣冠借優孟
滿城爭唱蔡中郎

先生好觀劇往往登場呈藝秋試跌
揭曉方自演琵琶院本聞捷始罷

宕文史如六朝下筆乃薄韋與蕭珍珠小字青瑤管仿

佛輕雲曳絳霄甲申三月傷心史有客相邀同日死至

今紙尾署錢唐不似呼豬狀元里錢唐湖北落日斜丁

家山下冬青花

先生葬丁家山

殘僧佛屋樨蕭字故鬼秋墳唱

鮑家先生意氣如風雲扁舟一昔迴鄢郢波濤洶湧欲

豪奪龍女乞寫烏絲裙船頭醉倒作怒詈辟易鱗介何

紛紛篋裡即今義獻在只應妬煞洞庭君

先生少時過洞庭湖阻風

假寐恍惚見神人冠帔乞書先生責其以波浪相劫引酒怒詈俄而風濤頓平先生引舟去

靈隱寺借秋閣觀所藏貝葉經

毫端火色現金蓮兜率光音第幾年剎利書成容梵隱

佉盧字小抵韋編何來鹿女緘紅怨自許雞園寫綠天

證得語言文字果堯羅妙手總如綿

善思男亦有鄒枚簪筆龍華會上才三藏微言留玉楮
六朝慧業掃秋槐碧籤點漆參差辨珠典隨繩宛轉迴
誰會寂音尊者意一花一葉見如來

佛前問字媿侯芭欲證阿含義尚賒苑裡經聲多寶樹
卷中墨會妙香花汗青句脫疑飛鳥曳白痕留認綰蛇
爲乞上方功德水洗將老眼趣無遮

貝多風裏禮金經曲屈真如卮字櫛無恙心銕原慧觀
有情障火總驚霆曼陀寶相文殊院瓔珞花宮墨妙亭
今日粥魚茶板外鬚絲禪榻自惺惺

韜光

幽徑尋聲上聽鐘到上方竹光含雨白篴水入厨涼佛
瘦鐙無燄僧殘髻有霜永懷池上句合署小簣簪

宿松靄山房

齋厨飯熟不驅蠅優鉢香聞最上乘秋樹禿於僧薙髮
野螢明似佛傳鐙聽鐘午夜知深省煨芋空山病未能
獨羨南湖朱檢討肯來老筆掃溪藤

朱竹垞先生
詩卷尚存也

山行憩永福寺

野路不逢人藤花紅上竹竹外見精舍疎籬背山麓翠
蔓舞蛟螭修篁蔓絲肉夕梵出其間聲清字可覆雪眉

七十餘了不徹誦讀語我曹溪禪情若雉登木且勿談
空空客已聞之熟

與慧上人話雨冷泉亭上雨止登飛來峰頂看
月出

寺門秋暑退檻外萬珠跳澗響猿呼嘯雲移石動搖斷
虹猶帶雨殘月不生潮人外遊方狎巾瓶慰寂寥

玉兔冢相傳黃貞父先生瘞兔於此文人游戲
所爲志乘入之以佐談資耳慧上人爲予指示
其處意有所觸輒成長句

纖阿西行歷參崴妖蠹蝕月玉兔死桂宮羅綺泣無聲

一夜銅槃瀉鉛水朱雀有味白虎反視千年搗藥求長
生不死之藥安用此文人所游戲宋鵲兼韓盧校量鷹
犬亦已過况乃若輩如羣狐君不見西溪抔土成幽壙
骨冷權奸名狗葬

湖樓夜坐

過雨僧樓水氣腥隔湖清楚喚人醒山痕不動湖光黑
空外一星流似螢

波影萍風夜二更湖光無月亦空明鷺鷥只揀平沙立
多少紅樓讓曉鶯

曉色如煙夢釀成柝聲沈水隔重城一星蟹火湖南出

紅到段橋天欲明

不眠端合訪南能

謂慧上人

來趁長明禮佛燈如水蒼苔如

雨客竹房僧語半吳興

亂雲堆裏卷寒沙又見南山電掣蛇一夜耽憂風色惡
明朝紅藕不能花

殷雷迸地入湖流霧卷雲驅曉未收老樹拜風還拜雨
只除孤塢不低頭

淨慈寺齋僧鍋

銷金鍋鑄鶯花齋僧鍋鑄奸邪建炎南渡劃帶之魂游
釜底猶豪奢金之外臣宋之賊太平翁足愚官家晚年

自知錯摺樣思藉龍象通幽遐羅刹煽輔斂摩司鉅燭
毛喋血肆慘刻煨煉諸將爲蟲沙醢彭烹酈作齋供紛
紛猓猓磨其牙鍋中何所有忠義之骨枯如楂鍋底何
所有冤獄之氣騰如霞以此功德證善果人天歎息生
恣嗟給孤布金施食地曇花妙會稱無遮仁者之粟壽
者相諸天器盃多紛拏奈爾秦頭壓日重睽睽厲鬼瞰
其瑕貪汙狼藉是何物腥穢未足飼林鴉東南主者錄
罪過當時私語聞窓紗范金鑄爾北湖北六州之鐵何
如耶

偕慧上人登歡喜巖

墮地見人天心鏗眩萬狀繞著懈慢國即受煩惱障明
湖有靈照弭櫂契孤筵遵路得微徑舍舟就幽嶂茸草
泣宿露涼颼挾秋瘴健步磴爭高
清聽樵自唱俊侶狎
竺僊止觀悅禪尚慧日曜重岡圓明徹諸相巖在慧
日峯側言
尋歡喜巖一笑絕矜妄離立兩老翁偃僂相揖讓豈是
戴笠交一石形
如戴笠抑亦傾蓋樣邂逅適吾願禮鼠拱相向
鬢眉綠如此各自告無恙未知相逢來人世幾幽壑千
秋兩石交欲別轉惻愴回首語上人歡喜各無量

萬峰山房坐雨示讓山

坐雨耽西隱湖頭歸路遮遠人低似樹殘葉落如鴉村

酒纔沾醉盆荷尚試花太初占斷處桐帽是生涯

西林先生衝雨入山命酒更酌口占再示上人
酒天詩地法華臺米汁春浮戒律開別有吾家無等咒
衝風衝雨亦須來

洪鐘法鼓佛燈前牙曠真能別管絃却現寂音尊者相
迦陵仙樂似鈞天

先生精樂律故云

湖南晚步

枝上閒雲笑客忙亂尋詩句遶長廊西風吹老秋山色
落葉不如僧面黃

幽夢初迴觸梵香萬工池上晚鐘涼背人獨向澗西去

紅芋作花山有霜

第一橋西落日斜
沙坳小艇幾漁家
不多流水無多屋
遶竹一枝寒碧花

千層樓觀束雲霓
率諸天路欲迷
一杵蒲牢呼月上
月明飛渡浙江西

題月泉吟社詩後

君不見遺民老作江湖客
不願爲潮願爲汐
汐社風流五百年
卷中詩句誰詞伯
富春尚賸嚴陵臺
越市已無梅尉宅
白雁從南飛
朱鳥鳴聲悲
十月旣望歲
丙戌春日
田園雜興詩託名第一羅公福
浦陽江上吞聲哭就

中獨有謝參軍蒿目滄波轉平陸空坑一戰軍門愁參
軍晞髮凌滄洲柴市一慟丞相死參軍狂歌棄妻子當
時亡命變姓名那有田園樂桑梓吳溪山水宿以深衆
中憔悴還行吟東晉衣冠成跌宕西豳風俗相招尋墨
五笏縑七丈詩榜高懸更詩賞騎牛翁來謳擊壤君不
見浙江東上桐江縣石激湍流駛如箭水寒土瘦孕奇
節士氣山心日凝鍊想當吟社校詩時定有橋亭賣卜
硯

書萬峰山房壁

嵐氣沁鼻觀山香松子香三日不到此竹梢高過牆

望祭殿

北望中原汴水流
祠官何處問荒邱
空勞南北生辰使
不遣春秋望祭愁
割地議成新鬼哭
鉤天樂散野雲收
景靈宮殿初成後
洪皓歸來話白頭

見宏簡錄

西洛諸陵輦路賒
年年祝版進官家
湖山已入黃羅局
原廟誰簪白柰花
廢苑草荒容牧馬
夕陽樹古不棲鴉
更憐北狩流離後
朽木鐙藥葬若耶

閒適次慧上人韻即送之浙東

早趁清齋過八關
雪眉占斷翠微灣
筍纔呪出多成竹
墻可騎過要看山
籬缺只將疎樹補
圃荒先揀野葵刪

如何又憶湘湖寺明日巾瓶剡曲還

訪黃貞父寓林二首

奔雲石

小蓬萊蓬萊之石凌炎歊雷驚不破風吹不消仙雲一
朶涌山椒雲中濺飛瀑大小明珠跳天寒日瘦雲氣死
墮地凍作青瓊瑤仙侶來招之起作盤秋雕誰歟鞭石
如鞭羊揮斥雲族奔如潮客來見雲不見石石勢欲北
雲南搖雲來拔石石不牢雲怒卷上青天驕蓬萊晏罷
幾千載草荒何處聞廣韶奔雲塌地苔蝕骨秋蟲無賴
吟涼颺

海潮石

小蓬萊耶小瀛海耶海水久已枯潮痕猶在沙沙石卷
地轟雪車濤頭壓屋驚棲鴉青落上石看不足海水翻
空作新綠寓林一聽小海唱彷彿龍吟戛蒼玉鴟夷浮
江江聲驕海潮飛上青藤梢數間矮屋擁欲去先生高
卧雲之坳

尋李長蘅寓居

清暉小築藕花時煙水淋漓筆一枝董巨荆關閒派別
一生低首拜西施

三十年華號隱淪畫師還稱釣師貧此中大有黃壚感

強喚雷峯作酒人

自淨慈放舟至茅家埠

殘月墮秋曉荒煙吐沙渚渚尾不見人煙中獨聞語迤
逦過湖灣招邀覓僧侶寒蘆未作花雪意已延佇枯茅
風蕭蕭圓蘋葉滑滑劃波見朝旭弭櫂一容與梵唱流
輕颺泠然向何處重湖阻以深小泊得幽墅漁樵之所
天尋幽乃及予陟巘局遐心舍舟騁孤緒籬萼映雞犬
澗風弄砧杵林空聞妙香逕轉得禪宇一笑有髮僧青
山爲逆旅

朗汀琴宇自茗溪歸訪予湖上

久客斷知聞飄然話夜分評量雙井水來往一身雲秋色方如此扁舟獨有君漚波亭子外曾幾坐斜曛

將赴禮闈與蔭林別

回首青鐙屋數椽河干別語更悽然吳山好在誰攜屐燕市寒多早著綿同輩蒼涼愁買櫝此行慙媿說先鞭與君漫把劉蕡媿我作劉蕡已廿年

駕湖阻風

煙水浩無際孤篷竟夜迷湖波自東下歸夢不能西十五吳船女瀟瀟暮雨歌鴛鴦湖畔宿頭白奈君何

雪夜渡太湖

舟行一夜無艣聲微光射罇疑天明披衣起坐寒潑水
衾裯著體冰稜生湖波卷雪雪無力湖水翻空作雪色
江城浩渺白無際莫釐峰尖一點黑洞庭縹緲七十二
玉室金堂記神異真靈冠帔有無間驅使魚龍作游戲
遠帆不動空中行近帆欲與飛鴉爭不知到岸更幾里
橫篙已見姑蘇城

山塘

種樹先種花生男先生女花多不嫌紅女多不嫌乳生
女十三餘黃金開口語入門教梳裹出門教歌舞歌舞
不歸來醉倒大腹賈今年買良田明年敞朱戶明年復

明年東風不待汝老大棄路旁顏色賤如土

五人墓

市井五人耳能知此日冤湛盧辭越客緹騎入吳門死
近要離冢生禡常侍魂百年青史在應作黨人論

短簿祠

荒祠終古說琅琊六代風流只暮鴉捨宅暮年知慧業
冷官身後尚鶯花殘僧殿腳鳴茶版治女門前響鈿車
如此頭銜真不惡數行官柳綠成衙

書感

五陵俠客挽吳鉤一呖湛盧解報仇如此少年無賴事

不知身是韋蘇州

襄陽兒女白銅鞮
惱亂何嫌醉似泥
記取榜門多少字
小時題鳳老題雞

京口

鐵甕城高俯練湖
晉陵王氣鑿三吳
江山緯繡丹陽記
參佐風流白澤圖
北府兵戈遺恨在
南徐煙月故人無
新洲蘆荻漁歌起
天水蒼涼弔寄奴

蕪城

垂楊垂柳總婆娑
殿腳三千怨阿婆
玉藥歌殘天欲暮
鯉魚識起水微波
牽來錦纜人何處
教得瓊簫夜奈何

終古繁華隋苑好
卷簾燈比亂螢多

淮安懷古

羽翼無端託夏黃
漢家涼法起高皇
神仙自古多兵解
雞犬何辜亦暴亡
四皓傳疑原譎詭
八公此事校荒唐
如何鴻烈高文在
不著淮南服散方

淮陰釣臺

誰似王孫泣路隅
人間一飯亦軒渠
淮流東下垂竿坐
一笑羸秦是鮑魚

公無渡河

并序

唐李白有公無渡河歌行
庚辰正月晦日渡清口北行

年四十有一矣逝者如斯臨流生歎作爲長歌反白之意以見志焉

公無渡河下有不測之盤渦公無渡河中有苦饑之蛟
鼉公無渡河公無渡河公不自思公髮已皤長安文章
賤如土白頭枉自遭譏訶公無渡河公竟渡河渡河太
息生迴波悶摩黎山幾萬里騰鶩日月如投梭安能戚
戚戀妻子秋井骨塌鋪青莎景公渡沅左驂沒冶子拔
劍三摩抄鵠踴燕躍出砥柱陽侯爾是何么麼道路傳
言梁相死惠子欲往沈回過呂梁懸流仗忠信王尊叱
馭非坎軻有狐綏綏側耳聽流澌無聲冰戔戔公今無

恙渡河去吁嗟奈爾篳篥何

下相懷古

斷壕煙水尚蘆中小海歌成正朔風不信故人能慟哭
自來窮士是英雄鞭屍事已殘荆冢嘗膽人方卧越宮
一賜屬鏤千古恨梧桐秋怨滿江東

萬里秦灰掃已空英雄短氣失關中斬蛇里在生荒草
戲馬臺高亦大風但覺楚歌來四面何曾虞裔識重瞳
君王輸與留侯忍忍到杯羹乞太公

登岱效柏梁體

上章執徐春鴻濛騾綱獨漉催雙轆車箱撼夢驚豐隆

我行疑到之杳東五更霧卷披青空嶽色下壓車前驄
神飛已上日觀峯口飲山渌如渴虹盤雲峻阪三霄通
奔輪雷礧凌硿礧下方墟落猶瞢瞢天雞一叫搏桑紅
奇花芝草如蒿蓬中有阿閣神所詔降婁元枵排紫穹
黃書赤界天人宮金雞彩羽披花纓白雀扇翮欺劉翁
崑崙華岳衡恒蒿雄視南朔東西中封禪七十二代同
曰紀功德誰所龔

國家盛治方邳隆游豫不必矜東封

時巡考禮及六宗望祀晉秩如羣公總攝神鬼矢其功
碧霞元君冠帔從奠瘞蒼壁兼黃琮靈妃歌曲鳴笙鏞

玉賓趨走搖琤琤云云亭亭煙鬟濃瀛博直溯滄房重
璇扉日午鳴銅龍琉璃黃瓦落花紅却來徒御排罡風
乞漿小憩秦時松欲陳明堂兼辟廡相如封禪書誰工
泰安旅次寄仲兄吳中

却從日觀望勾吳匹練東門見得無七十二家封禪記
讀書真媿管夷吾

齋宮吟嘯夜如龍每寫虬枝認岱宗昨日却從壇上過
黃河如帶挂秦松

梁甫吟

梁甫吟哀秦松楚人東炬阿房宮爾獨從身蔽祖龍輶

輶車上鮑魚死大夫之號亦可恥蒼官屹立天門前神
房阿閣含朝烟吁嗟五大夫不如魯仲連

梁甫吟哀相如男兒乃死消渴疾儒者肯草封禪書題
橋壯志真妄語只解神仙與兒女飛廉桂館秋風來昆
明池水沈劫灰臨邛早死非天忌猶得遭逢漢武帝

梁甫吟哀新甫左太山右亢父俯視丸丸如覆鬴神靈
所窟宅仙官導從羽衣舞渺爾嶢嶢一杯土金泥玉簡
埋神臯封拜豈復知汝曹君不見少室插青漢少海廻
狂濤

趙北口

百一十五
嬾將旅思壓征驂
兩月黃塵味漸諳
一片漁莊數株柳
又催鄉夢渡江南

繞泮春冰淀一條
北人偏解弄輕橈
寒煙不斷前村路
流水車聲響過橋

風沙顏色揔模糊
驛路無端似畫圖
今日瘦驢蹄漸軟
三千里外蹋春蕪

跳波白小出清渠
土銼繩牀覓醉餘
一笑馮諼彈鋏坐
不須更道食無魚

易水行

黃金臺高燕市東
黃金之氣成白虹
黃金能買烈士死

白虹不堪秦王曾易水蕭蕭朔風起碣石宮寒夕陽紫
昭王尚識禮鄒衍太子徒知延死士當時強秦如虎狼
連橫七國多披猖望諸之功亦已矣出關誰與爭毫芒
悲歌祖道咸陽走圖畫中間一七首謀疎不獨劍術疎
可憐乃死醫人手始皇卷甲驅薊邳元英厯室姪娥愁
督亢之圖不足惜智士只惜於期頭

寓感

曾無奢願亦難償篋裡龍吟獨慨慷罔兩鐙前羞問影
鹿盧牀上只迴腸風花才命從頭迓塵土生涯抵死狂
莫笑郎當同鮑老本來傀儡善登場

論文人海盡騰拏漫擬良金鑄若耶桃李門前原艷色
芙蓉鏡裏總空花已看腐鼠鳴梟嚇肯信鮎魚仕宦誇
聞道曲江年最少題名官塲縮秋蛇

夏課

枯魚銜索有餘哀箝口羞言吐鳳才花樣試翻鴛錦好
歌聲偷學羽衣迴涼蟬已蛻秋前骨銀鴨重然劫後灰
太息閉門蕭寺坐一庭黃雪夢宮槐

積水潭看荷花偕同年

人心如菡萏歛然氣之秋秋心在天地渺矣江湖愁西
風催授衣涼思生熏篝所喜殘暑退那畏塵光浮酒人

聯袂去北郭恣佳游淺水遶土埂枯葦沿芳洲藕花各
自媚翠柄歌中流鈿車走驚霆過處衣香留江南好煙
水花上搖輕舟參寥有佳句吳女多能謳一夢墮塵土
慚媿沙上鷗

詠冰

何計涼堂散鬱蒸晶盤擎出勢峻嶒即看骨相應無媿
欲稱頭銜笑未能無下不曾知觸熱人前何肯學模稜
分明一種嚴寒色驅盡腥羶几上蠅

送座主少宗伯介公扈

蹕灤河二首

祖道歌楊柳征塵駐木蘭人從

三殿出鹿自大庖餐行帳垂螭尾容臺有鳳翰秩宗嫺
典禮人望重三韓

浙水論文地真慚夾袋才上書誰慷慨下第且裴徊祀
輒秋風壯鳴鞭萬嶂開星辰看北極行傍

帝車廻

陶然亭秋禊分得壺字

士有不得意渺然思江湖江湖洵可樂硜硜亦鄙夫西
風吹客衣勸我挈玉壺茅柴酒味薄亦足騰奇觚小亭
面雉堞淺渚生菰蘆夕陽返林薄烟水如三吳有時蘆

花起片片疑飛鳬裙屐南皮會主客西江圖坐中憶南
食巨口吳淞鱸近來直沽蟹差可登庖厨校量侯鯖錄
鋪啜良區區題襟得羣彦同調如笙竽歸來步兵酒更
棄終軍繻

法源寺雨夜

秋寺無人山雨黑榕葉捎檐風自北黃昏蝙蝠撲鐙來
如豆寒光紅欲蝕譚譚出出夫何爲非佛非仙非鬼蜮
主人太息指墻陰髑髏何年瘞其側文皇黷武征高麗
公等鬼雄能殺賊君不見孟蘭高會紙灰飛梵天正施
瑜珈食

新年雜咏

門神

圖形此日挽琱戈度索山頭故鬼訶
甲第眼前方貴盛功名紙上儘摩挲
彈冠自愛新年好謁客無如暮夜多
只有翟公門似水不煩公等與張羅

爆竹

驅儼磔攘九門開贏得兒童買夜回
剪紙能邀天上月張卷真握手中雷
搏沙小樣工吹火束竹迴腸易化灰
畢竟轟天何事業老夫新得耳聾來

團圓

良宵三五不成眠聽到團圓更可憐幾日羹湯求竈下
有時膩粉出鐙前鹿盧宛轉搓酥手鈿盒風流說餅筵
却與老饕成悵望那能破鏡上青天

歡樂

一夜東風過御溝泥金春帖寫銀鉤綵牋帖戶都無恙
吉語題門揔莫愁颭得繡幡能婀娜裁來方勝與溫柔
變名只合稱連愛過盡鶯花尚未休

法源寺看花口占

落絮沾泥古佛前行吟嬾趁散花天不應懊惱閒蜂蝶
自要迴身避少年

百一山房詩集卷五

百一山房詩集卷六目錄

釋褐後作

出都

涿州道上

陸行無侶攜水經注車上讀之涿郡酈善長故里也輒題卷尾

河間懷古

在平道中

彈箏行爲在平箏伎作也

過舊縣

望穀城山并序

過東平口占寄都下故人

到家

書先忠烈公傳後

海昌南門外觀潮

齋中讀史雜成

南巡召試授內閣中書紀

恩一首

賣屋嘆

既售所居挈家北上慨拙宦之無聊念故鄉之難

託憮然不能自已於懷示家人一首

泊臨清

賃居

詠物八首元人舊題退直之暇賦之亦有所寄云

爾

焦桐

蠹簡

舊劒

塵鏡

破研

斷碑

殘樽

敝裘

都下懷人

吳西林先生

查蒼林明經

釋讓山

宋謝文節橋亭卜卦硯歌爲查恂叔中丞賦

退直出西苑二首

圓明園直廬曉起

古北口

出關

南天門

鹿尾

牛酪

避暑山莊恭紀

灤河得蘇中正去疾同年書却寄

殺虎行

哨鹿行

入關作

密雲詠古二首

消寒雜詠

火判

湯婆

冰牀

花窖

慈仁寺雙松歌

碧雲寺魏忠賢葬衣冠處

摩訶庵

送竈詞

鳳城新年詞

寓興

題蘇靈芝憫忠寺寶塔頌後

城南看花

乞巧詞

薊邱

九日同人登毘盧閣

萬柳堂讌集以深柳讀書堂爲韻分得堂字

長椿寺

罌風

百一山房詩集卷六目錄

百一山房詩集卷六

仁和 孫士毅 補山

釋褐後作

儕輩紛紛直紫薇兩行苑柳拂宮衣
浪傳水弱鰲難負 翻爲風高鷁退飛
子禮部試名第六 飲羽技曾過七札
呼盧骰已得全緋生憎老大頭顱在手板隨人作計非

出都

一別滹沱水風塵欲語誰寒霜欺馬骨
歸夢壓鞭絲道自投虛牝家猶唱伏雌
漫言衣錦日老我雪盈髭馬上讀殘書
斜陽畫不如輕裝辭暴客安步抵高車草

地秋來曠沙河
潦後淤京華
高臥者東馬
與嚴徐

涿州道上

蓐人襜被盡囊沙
馳圖驢鳴夾道譁
初日濛濛涿州路
平林十里霧淞花

霜後瓜壺草舍黃
茅柴易酒辣能嘗
猪龍遺事無人問
羶笠西風古范陽

陸行無侶攜水經
注車上讀之涿郡
酈善長故里也
輒題卷尾

鄒衍小九州
懸河快俄頃
興圖塞宇內
誰能挈要領
炎亦詹詹燕
說多可屏酈
亭倚秋空注
書得其梗
星宿

委萬派黃流恣馳騁禹書所未及神州所難竟往往限
偏隅鼯鼠飽亦幸中尉乃淹通經流溯荒憬腸胃爲江
湖吐納大地影撫詞管闕天原序毫管闕天云云精詣綆汲井眎
班固詳瞻例郭更嚴整慨自厯劫來削竹託殘潁潯沱
與涇洛闕文或疑省故里莽蕭條遺文詠脩警輒欲貢
所疑還如骨在哽趨車塵土中魂夢怯清冷

河間懷古

樂陵臺迴散明駝雉堞蒼茫入嘯歌上郡寒原秦鉅鹿
大河秋色漢潯沱賓僚不數梁園盛絲竹何如孔壁多
日暮客愁遙集處數錢姹女莫相過

在平道中

擊劍懷奇節飛書動劫灰
星沈方朔墓雲抱魯連臺
碣石秦宮陷蜚廉漢殿哀
悲歌迴落日莽蒼歎雄才

彈箏行爲在平箏伎作也

秋風颯沓哀雁鳴下馬忽聽彈箏聲
箏聲出戶初掩抑有似小鳥鳴嚶嚶
賈兒碩腹據高坐公然意氣吞幽并
低鬟匿笑斂袂立酡顏曼睂迴娉婷
一聲兩聲緩且輕花宮漏箭沈銀屏
回眸籠袖背明燭颯然繁響搖簾旌
檐花亂落秋雨細十三行柱何泠泠
于時八九月孤客方南征聆音辨徵
羽觸我江湖情歌聲愈促絃愈急聲

聲彈落秋空星坐中笑語出絃外雜以拇戰無乃僇箏
停酌酒賈客醉喧逐擾耳攢飢蟲客且引滿聽兒語兒
家姓氏同飛瓊十三工織素十五能調羹十六爲人婦
打漿來相迎少年事遊俠遣戍遼陽城玉關萬里去不
返滄波銜石何時平前年寄書至讀罷涕縱橫老死歸
不得忍復相誤卿女蘿與兔絲勿復生交縈可憐阿母
愚逼迫官街行得錢歸來奉阿母買田諸弟皆能耕

過舊縣

秋雲如火燒陸渾反照薄竿爲朱幡川谷號號歸猱獐
曠野呼歎聲如管僕夫獢獢困獸奔東阿漸見人烟屯

怪石箕踞原壤蹲老樹禿鬣季布髡度棧崖巘將奪門
轉輪偏側多爭墩一條危銜魚在甌四壁深窵蟲處禪
如桎梏立礙足跟如拷桵圈難手援仰首忽聞山鳥言
芙蓉秋色來攀轅繽紛萬朶鐵葉翻竿摩百道青蓋擗
窈然深黑壓厚坤萬古之色驚游魂眉目刻劃混沌痕
風雨啜泣盤古墻峰迴健走如風鴛况瘁亦欲矢勿諼
車箱入谷驢尾掀土囊噫氣吹以墮出嶺下嶺翻雲根
渴飲幸有溪潺湲道旁草香生芳蓀芻秣早足資驪駟
人生險巇何足論投牀短景催黃昏茅柴劣酒束火溫
却呼傭保語雞豚客從何來車噶噶山色如此老瓦盆

望穀城山 并序

蘇長公謂老人以能忍教留侯故其後卒佐漢高帝以有天下然則非有大智勇之人當事變倉猝忍亦敗不忍亦敗矣語云守如處女去如脫兔其守焉忍也其去焉大智勇也

帖尾垂頭六國馴少年椎底已亡秦神仙物色無他術也要人間有膽人

過東平口占寄都下故人

爲問車中有布否憑誰骨相卜封侯須知螭首蛾眉後

不碍宮中有宿瘤

東平古無鹽城在焉

到家

倒縹花樣已全非西抹東塗作計違四十頭銜悲老大
居人猶道錦衣歸

歲歲牽絲傀儡場郭郎鮑老舞逢場不知同學諸年少
誰向中書食萬羊

書先忠烈公傳後

彭蠡樓船十萬橫傷心江介又論兵削除護衛無晁錯
痛哭文章有賈生左輔妖星纏帝座中丞正氣薄孤城
劇憐歌吹洪都郡碧血千秋繡蔓菁

家傳分明國史誇豫章遺恨慘悲笳官人環珮留江浦

帝子樓臺付暮霞吳淞披猖猶突豕馮唐談笑已高牙
發姦靖難三人在蔡榜名應籠絳紗

海昌南門外觀潮

百里尋花縣扁舟泊棗林潮雞催旭日海蜃釀秋陰野
埭連吳樹風颿渡越禽怒濤休齧岸坐待

翠華臨

齋中讀史雜成

芳蘭不當門當門被鋤耳江橘不踰淮踰淮乃爲枳不
鋤亦不變老莊得其旨滔滔苟不竭江湖胡底止千人
之所指可以無疾死衆响尚漂山口舌安足恃弭謗固

有道要自無辨始薜荔爲衣裳佩服蒞與芷申申來詈
予彼言亦良是

鐵可應蕤賓鐸可諧黃鍾柯亭蔡雖竹鼎湖張華桐掄
才不擇地萬物無能蒙士生貴知己此論非窮通顏天
而跖壽聖哲難爲訏所要識國士如鑒停清空其權能
造命其力能發矇其人爲天人其功補天功橫覽四海
內豪傑歸牢籠神鷹被廣野俊驥嘶長風巖巖何氣象
五岳視三公

川不諱納汙藪不諱藏疾汲汲爲名高轉致失其實從
來自欺心皆從所諱出古之賢達人亦有事樂佚絲竹

在後堂姬侍處密室日食費萬錢徵歌動千鎰據案理
文書食頃事已畢顧其才何如曲謹亦何必不見盧杞
姦婦裙無完匹不見萊公賢聲伎未嘗叱

下士之守法楚得而楚失法吏之舞文狐埋而狐搯縲
綆至公治鞭撻到甯越吾自愛吾鼎何爲被乾沒君子
慎語言怨或至銷骨拔劍自驅蠅移銍頻照蠟植麻去
蓬蒿搜粟去糠粃諉避漢蕙苾史戒楚檮杌卓哉金人
銘守口莫如訥

不見牆上蒿置身自言高鄉曲諸少年輒自矜賢豪求
譽或得毀口舌翻波濤許劭能知人一言爲譏褒紛紛

人閒世何物李與曹師曠來暗中亦足分秋毫吾儕處
通介於物無所撓孟堅古今表古有今寥寥昌黎戒史
筆奇禍心所恹任文旣不可任事無乃勞投筆出玉門
固也不如超

急行得小舠徒行得劣馬觀人於造次得能償失寡聞
諸老氏旨欲取貴能捨捨富不嗜利捨名不求雅佛言
善知識於物無牽惹是曰慧力勝反視若聾啞不然則
心鐙風來墮其炮四十不動心况出章丑下

南巡召試授內閣中書紀

恩一首

西湖汪歲盡恩波

鑾輅南來賦卷阿已遣王珪知制誥不教言偃試絃歌
舍人新樣從矜寵故紙生涯更濯磨徼倖徊翔青瑣闥
得從天上聽鳴珂

賣屋嘆

玉川老屋家鼎湖藕花之洲亦可圖竹竿簌簌魚潑潑
尚有百畝山田租男兒墮地不識字桐扣村裏耕田夫
豈知貧薄有骨相生小襁抱知之無山間黃鶴夜笑我
予舊家臨平在蘆中生計慙疏麤錢唐舊聞冲晦語永
臯亭黃鶴之東無兵火驚菰蒲天水橋頭五畝宅請鄰祭竈安妻孥去

年南宮一第反蓬門新樣懸桃符我方刺促不稱意湛
盧劍氣寒三吳緇塵又復上京洛嚴程敦迫如追逋既
無朱暉託妻子況堪阮籍悲窮途東家富兒欲請乞拒
人千里顏杓杓朝來致辭告龜策蔣生三徑宜沽諸靈
氛不言彭咸諾有官無家無乃愚

既售所居挈家北上慨拙宦之無聊念故鄉之
難託憮然不能自己於懷示家人一首

高風萬里刷飛翰多謝旁人袖手看從此并州成故土
況堪日下即長安一官尚校黃金賤下士能支白屋難
只恐燕臺居不易大庖曾否 賜錢餐

泊臨清

檣隨轉漕入臨清牕口平明放溜行
濮水鼓琴徵古調漳河楫施亦秋聲
坐忘紗帽時歌角夢到觚棱日計程
爲報天邊故人道踈狂名已動西京

賃居

補屋牽蘿事全家此最諳賃來天尺五
移住月重三車過雷轟驟牀欹蟻鬪酣
荒寒仍廡下畢竟稱氷銜

詠物八首元人舊題退直之暇賦之亦有所寄

云爾

焦桐

不與中郎值誰能識曲真故人如落葉之子已勞薪調
自么絃理材還六轡均焦頭多少輩恩澤擬平津

蠹簡

識字無憂患千秋只蠹魚頭銜原典籍鑽穴到中書薛
鼓模糊在秦碑薄蝕餘可憐蟲一世耳食竟何如

舊劍

入越純鉤在游秦七首傳能平天下事真作地行仙頑
鐵星辰上寒芒嶽瀆前永懷唐劍俠聶隱去翩翩

塵鏡

微光脂盞畔塵影暗流蘇明月迴身否佳人反手無鬚

睂猶隱約恩怨已模糊無限刀鏤夢秋風怨井梧

破研

皓首窮經者摩挲鐵亦穿只知心是石無復面如田苔
卧疑秦瓦牆歌認晉磚論文非五鹿折角竟何年

斷碑

高齋開寶晉殘榻那容翻旁落無多字中餘未死魂夕
陽礪牛角山寺嵌僧垣陵谷千秋在傷心峴首言

殘樽

觥政闌珊後黃雞唱便殘茵纔客客唾釵已挂臣冠三
疊歌何急千巡送易乾不妨天下士多作酒人看

敝裘

六月羊裘在蒙茸足自豪枉拋慈母線誰贈故人袍領袖猶寒士襟裾尚冷曹怪來相習慣敝刺亦生毛

都下懷人

吳西林先生

西林擅絕學協律得元旨著書已滿家大聲震里耳廣韶無凡音脫口辨宮徵直自邃古初考擊究其始陰陽與開闔脣舌齟喉齒改調或濫聽聞絃析疑似方今盛功德郊廟肅裡祀闕下庶陳書宮懸見姚姒硜硜守介節干進以爲恥南湖舊煙水白日下西汜逃名朱百

年聞樂阮千里足然空谷中結轡何能已

查蒼林明經

孔李原通家風義兼師友慨自束髮來縞紵蓋已久吾
家石鼓村楹書支數牖君從丈人行跪作圯下受至今
匡坐處堦石泐如白二十貢成均文名滿人口君族本
崔盧君才特選首俯視餘子輩碌碌直芻狗詎知蘇李
歸裘敝面目黝累年塵棘聞自卯還涉酉紛紛李程等
金印已懸肘茵溷揔偶然飄墮亦何有努力崇名德待
君發矇眇

釋讓山

佛法未西來高士無所託兀兀忍饑寒荒荒竄邱壑介
子焚林求阮瑀燒山索賴有浮屠宮複壁藏猿鶴讓山
名家子學道無倚著趺坐孽龍降醉叱於菟縛結盧明
湖濱蔬食飽藜藿妙唱禮人天幽吟隕風擇生滅四禪
中微塵吹漠漠太初所幽棲南屏數椽拓此是吾家山
爭墩發大噓休官吾無時公且自行樂坐破幾蒲團且
道錯錯錯

宋謝文節橋亭卜卦硯歌爲查恂叔中丞賦

橋亭卜卦日幾字龜策告公白鴈至橋亭卜卦日幾錢
錢冪已非景炎年君不見文陸紛紛海上盡諸陵夜泣

冬青引徒令女子識韓康無復孤臣問詹尹此硯當時
出幽壙記否飛書來馬上惜不逢井中心史鄭所南又
不逢空坑轉戰文丞相丞相軍前五帶生大都降表肯
僉名丞相軍前謝臯羽九鎖山中不見汝團湖坪上血
戰餘研於此地曾飛書建陽市上淚沾臆研於此時色
如墨縣南門外朝天橋疊山祠宇橫煙霄橋亭賣卜當
在此無聊讀易吞三爻有明出土三百載完好如初色
不改雲烟過眼竟來歸前身君是程文海

退直出西苑二首

鸞掖聽宣麻生慙第七車 御溝迴玉螭仙島漾瓊花

學步迴翔久飛書笑語譁歸來西苑晚散每趁宮鴉
畫省含毫出機庭草制迴車聲花下過人影日邊來沙
路纔霏雪瑤階不動埃亦知高處冷散直且銜杯

圓明園直廬曉起

裂帛湖邊水知應碧漢過夢迴金爵影秋冷石鯨波風
色寒鴛鴦霜華帖鴛鴦坐聽宮漏轉苑外已鳴珂

古北口

密雲山勢鬱崢嶸控制居庸拱上京蜀道車箱通隻騎
蘇文定古北口詩灤河襟帶抱孤城契丹館廢人猶記
髣髴夢中尋蜀道楊業祠荒草自生中外一家無戰壘不勞宣撫更論兵

出關

秋色蒼茫扼紫荊陰山堠火照秦城白河水繞灤河水
浩浩聲吞右北平

落日黃榆客思紛思鄉嶺外斷知聞竭來飲馬長城窟
紅柳千條渡密雲

俯視邊牆落照多笳聲吹雪湧潮河紫蒙諸部秋移帳
水草家家散駱駝

庠奚形勝出關雄扼險檀州九塞通回首燕臺青一髮
太行北折走遼東

邊城如月度彎環敕勒歌聲動壯顏出塞不知天遠近

馬前風雨九松山

南天門

一綫遶天門千峰腳底屯塞垣牽燕莫羶帳散雞豚帝
座呼能應星辰手可捫層冰欲銷骨悽斷旅人魂

鹿尾

從獵驅

行殿烹燔

賜左肴加餐慚鼃尾負鼎喻投膠溫語傳中使餘膏出
大庖鹿鳴歌未已苹野望螭坳

牛酪

灌頂醍醐味真從出塞嘗流匙甘勝醴冰齒白於霜白
草黃羊路西風哨鹿場紫駝羹可乞何似兕爲觴
避暑山莊恭紀

白檀東去接烏蘭翊衛神京此鬱蟠一自黃圖通九譯
却看元菟扼三韓當關鐵牡秦城壯咽水銅龍漢殿寒
昨日行圍頒大酺木蘭諸部盡臚歡

秋獮年年五輅迎白陀羅海作昆明北門鎖鑰嘶銅馬
西塞湖山吼石鯨

賜得駝峯皆俊味歌來槃木總歡聲長楊羽獵空詞賦
珥筆何曾出塞行

灤河得蘇中正

去疾

同年書却寄

信有琴高赤鯉魚
迢遙濡水得相於
懸河蘇季千時策
銜袖陳東伏闕書
似我頭銜成孟浪
知君生計亦麤疎
蔗竿獨速秋風裡
醉墨淋漓一起予

殺虎行

羽林健兒氣如虎
以身飼虎攫虎怒
虎來攫人倭鬼驕
投空怒勢如盤鵬
健兒荷鎗側身坐
逆上鎗纓向項左
虎來人首著飢涎
虎口未開虎腹破
枯林白草風蕭蕭
健兒殺虎荒山椒
君不見長楊侍從
諸年少射得金狨
已賜貂

哨鹿行

圍場縱藹陰山前野干白駁豪豬顛菹臺之畋重嘉福
搜索麋駿尋鹿田摧毛飲血紛如雨狐兔草間無活處
草間一鹿游牝來蘆管呦呦作鹿語以鹿囚鹿鹿不知
鹿不見人惟見雌麋集麋聚滿山谷爭逐牝聲就牝宿
豈知解角卸麋裘牝是健兒牡是鹿君不見世間漁獵
更紛紛以汝之皮餌汝肉

入關作

敝裘八月西風裂日色關前澹如雪關前雪色嵯峨間
山上方知復有山驅車叱馭投深井宛轉身如鹿盧綆

霜紅古樹不知名
醉纈酡顏接土城
入關早有輿僮識
但道官今面上黑

密雲詠古二首

相古洪流大地萍
誰從疏仡紀虞庭
放流猶自依畿輔
却勝天南有庫亭

白檀州北舊邊屯
橫槊當時尚漢臣
解破烏桓兵十萬
可堪齒冷捉刀人

消寒雜詠

火判

令僕人才盛趨炎
別一流飛騰原火色
骨相只焦頭此

日彭亨甚何時熱毒休溫顏人易近未必似長裘

湯漚

牀頭黃面在瓦合夜如何嫁得冬烘客偃將春夢漚團
團能暖老栲栳有迴波爲問溫柔樣傳薪孰最多

冰牀

會得凌波步冗輪可當車牀頭高卧否冰下有人無但
肯臨淵羨終愁彼岸虛牽船吾自穩此樂子非魚

花窖

誰築藏嬌室豐臺正朔風花間無范叔地下有秦宮蛺
蝶寒灰炙臙脂濕土烘心知殷七七吹律轉輕紅

慈仁寺雙松歌

寺門六月披裘過陰森疑有加藍訶兩松亭亭蔽火繖
如二尊者肩相摩一株盤空勢欲蓋下有花雨零曼陀
攫拏忽作怖畏相鐵騎摩裊揮金戈其旁一株頗偃蹇
一似無意爭高柯又如示現面壁久鬚眉搖綠衣垂蘿
兩松相倚閱人代茫茫日月機投梭蒼髯如此尚健者
眼中二老顏婆娑相傳此松元代植紫蒙舊事誰能覩
劫灰再換到天順莊田百頃金錢多毘盧高閣上突兀
夜深天樂迴慈河萬乘俄傳帝后出紛紛霞帔從仙娥
此時蒼官臺石下俯看陌上馳銅駝揚塵東海快頃刻

却令帝釋嘆脩羅吾聞壽安山頭老松樹蜿蜒勢欲無
巖阿章宗手植已千載明昌之際非傳訛遼金元明歷
塵劫風清梵唄吹杪櫛升沈往事且勿問日來趺坐頭
還科

碧雲寺魏忠賢葬衣冠處

劫灰冷燄落茄花委鬼無靈葬阿奢能頌曹騰惟養子
久留樊嫖誤官家當時瘞狗空埋骨異代神羊有辟邪
天壤文章公等在忍將碑版向誰誇

摩訶庵

羊角風沙裡閒尋選佛場摩訶庵外月來照髻邊霜

送竈詞

年年今夕神上天拜疏堦率天宮前幾家孤寒蚓食藁
幾家狼藉蟻慕羶鳳城人家百萬戶賤子往往厨無烟
俸米無多俸錢薄孺人稚子饑流涎神今歸去莫吾責
須知地主難爲賢有時束濕薪有時煨寒羶有時煮鶴
臍膊就燖炙有時爨桐暴烈聲在絃有時樵青婢雞矢
馬糞生厨煙有時王霸兒蓬頭赤腳竈妾前甘辛臭辣
臣之愆神今哀憐幸勿言續竹斷竹神之篴秣神之馬
草豆全少長羅拜神之筵明年舍人遷未遷閨中暗擲
三金錢

鳳城新年詞

退直歸來酒似淮冬烘頭腦信吾儕纔過十月華生日
又是僧園鍛磨齋

笑他舞馬揔麋才芻豆多支三品該立仗平明祈穀去
象奴扶上寶瓶來

南鼎燒香逐隊過佛妝依約細娘多要知北地臙脂色
消得東阿作豔歌

花戶油窗第幾層
稽棚宛轉勝吳綾
夜來漫衍魚龍戲
道是黃河九曲鐙

寓興

一身如虛舟乃以心爲舫飄飄人海中長年良亦苦爾
苦心所耽爾舫力宜努雖有呂梁險忠信乃足怙側媚
或便媚特以身飼虎血肉自狼藉與汝竟何補見幾亦
未然明哲自先覩如水儘滌迴如風莫跋扈吾身行其
間自不與物忤浮沉俯仰中輕重要絜矩豈謂一鉤金
遂勝一輿羽佛曰長惺惺惺惺以爲主波濤雖瀕洞榮
辱只自取

題蘇靈芝憫忠寺寶塢頌後

漁陽鼙鼓動地來潛龍宮闕歆雲開御史大夫安榮國
思藉佛力何爲哉無垢淨光塢幾級瓴甌已閱昆明灰

雷公電女擁仙坐

頌中語

盍不奮怒驅蛇虺顧名思義號

無垢豈不絕倒黃金臺靈芝要亦唐造士褚虞戈脚才
恢恢當時即不罵賊死何爲獻諛揚其頰凝碧池頭話
天寶公等遠媿梨園雷禪宗如此乾淨土刀輪火穽汚
莓苔鹿沙大石頌功德書生不達良可哀

城南看花

岸水擔泥有幾家東風四月到京華盛衰轉燭尋常事

試看梁園芍藥花

梁家園花市最盛今絕無矣

乞巧詞

明星澹澹風瑣瑣織室斜開銀漢左今夕何夕牽牛來

五色蛛絲罨瓜果三揖再拜前致詞牽牛之巧吾知之
巧於負逋償不得將以烏鵲爲伏雌吾今循例尋河渚
不乞牽牛乞織女人間乞巧宜乞花老眼已罩方空紗
人間乞巧宜乞米曼倩苦饑亦何底黃榆花開白於雪
紫鳳天吳日幾匹乞君一語君自知不巧於巧巧於拙

薊邱

燕臺不可見況復尋黃金蹇驢衝朔雪却望燕山岑太
行高峩峩諸峰竄以深東走抱遼海去烏明夕陰塵沙
匝天地曠然懷古今樂生洵賢豪夷吾非難任下齊七
十餘城郭多陸沈至今望諸墓宿草矢哀吟鄒子亦名

流遊觀異朋淫秋高霜露白野外傷客心耳筆苦甚歡
登陟思抽簪蟬蛻衣裳旦暮淒微忱宦轍何所稅但
見軌痕深竭來感疇昔流涕雍門琴夕陽崦嵫下徒御
歸駸駸

九日同人登毘盧閣

梵樓卓霄漢上與帝釋通丹梯度宛轉玉殿如在空秋
高閼萬象城角迴清鐘僧雛罷禪課揖客凌晨風憑軒
一以望目與飛鳥東蘆溝距咫尺溝水朝琳宮人煙逼
寒色夕照明歸鴻登臨百仞上已覺披心胷西來有本
行戒律精南宗如何繡麟僧乃在所度中無爲開覺觀

法鼓驚頑聾

萬柳堂讌集以深柳讀書堂爲韻分得堂字

驟雨新荷後重開萬柳堂風流原杜曲烟水自滄浪醉
甚呼歡伯狂來笑渴羌山香歌一曲刺史已無腸

長椿寺

寒暑行北陸層冰推廣輪斜街泥一尺沙水渲車茵天
寒苦瑟縮退食甫及辰尋幽訪人外古寺知長椿短垣
有嘉樹凍雀栖承塵禪枝嘯天籟梵榻迴古春坐覺白
日迥寂處通高旻戒香叅鼻觀佛號證聲聞巾瓶有深
契了義何能云

罍風

娉笙只在蕊珠宮
潑水春寒夢未通
纔隔蓬山無路到
一生懊恨是罍風

行雲舊夢揔荒唐
銜壁金釭夜吐芒
別院四圍紅芍藥
記來相見國花堂

不分瓊枝壁樹殘
冰絃刺促那能彈
傷心話到薜蘿院
明月來凭舊曲闌

花影橫牕當寫真
流黃清簟已生塵
紅鸞笑倚瑤華裡
愁絕崔徽傳裏人

百一山房詩集卷六